



Broj: 04-40-1-213/21  
Sarajevo, 02.08.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 30.07.2021. do 08:30 sati 02.08.2021. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 01.08.2021. godine u 19:45 sat od Policijske stanice Ilijaš, da se u njihovim prostorijama nalazi jedan nepoznat NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 30 inetrvciju od toga dvije veće i 28 manjih intervencija.

Veće intervencije su bile slijedeće:

- Dana, 30.07.2021.godine u 13:51 sati u ul. Josipa Štadlera br. 18., Općina Stari Grad, na gašenju požara u stanu. Požar je lokalizovan u 15:15 sati, a likvidiran u 15:43 sati. U gašenju požara učestvovalo je 17 vatrogasaca sa šest vatrogasnih vozila. U požaru je smrtno stradala jedna ženska osoba, a dva vatrogasca su lakše povrijeđena. Pčinjena je veća materijalna šteta.
- Dana, 31.07.2021.godine u 03:35 sati na gašenju barake i opada na otvorenom u ul. Mehe Žige br. 67., Općina Novi Grad. U gašenju je učestvovalo 11 vatrogasaca sa 4 vatrogasna vozila. Požar je likvidiran u 06:30 sati. Povrijeđenih lica nije bilo.



Manje intervencije su bile slijedeće: sedam na gašenju zapaljenog smeća i otpada, 12 na gašenju niskog rastinja, dvije na gašenju zapaljenih automobila, jednu na gašenju zapaljenog dimnjaka, jednu na gašenju zapaljene portirnice, jednu na gašenju zapaljene garaže, dvije tehničke intervencije (jednu na otvaranju zgalavljenog lifta i jednu na otvaranja zaglavljanih vrata u stanu) i dva obezbjeđenja nogometne utakmice.

**NAPOMENA:** U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 11 manjih inerevencija i to: sedam na gašenju niskog rastinja, jednu na gašenju zapaljenog automobila, jednu na gašenju zapaljene garaže, jednu na gašenju zapaljenog smeća i jednu tehničku intervenciju na otvaranja zaglavljanih vrata u stanu.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 22°C, vlažnost zraka 60%, barometarski pritisak 939,8 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1